

利華樓互助委員會

主席:

就今次特首選舉兩大候選人，都說要關注退休人仕的退休生活，當中梁振英建議增加一項二千幾蚊的特惠生果金，聽起來都幾好喎，不過又話要審、又話要查，我真係好懷疑對我們基層人士有無幫助呢？好似我咁都快將退休，我太太一直都係冇工作做嘅家庭主婦，一旦我真的係退休，強積金得雞碎咁多，兩公婆一年唔夠都用晒啦，我攞呢二千幾蚊，一份錢兩份分，一人只得一千多蚊，究竟如何可以生活，我買報紙每月都要 200 蚊啦!!!!如何夠生活下去呢??? 政府最好出一份“退休生活指引”給我地基層市民。

仲有老一代的市民，臨老最緊要係乜野事呢？梗係棺材本啦！個個都想風光大葬啦，有邊個唔想嘅請出聲！依家梁振英嘅建議左要審查右又要審查，係米要 D 長者洗晒的棺材本先至可以有退休金攞呢？假如政府拍心口，每個長者洗晒積蓄就包生養死葬，仲可以申請一付“柳州木”，咁我就馴身支持政府，唔駛支持搞“全民養老金”，因為個個都無「身」後顧之憂！真正係“做鬼也幸福”咯!!!

每一屆新政府出場，個個都係吹牛咁吹，說什麼關注弱勢社群，說什麼“公平，公正”，現在呢個社會就連一個“視障”人仕都可看得出點解公務員就可得到退休保障，普羅市民就不能得到退休保障呢，兩者都是香港繁榮的締造者，為何要厚此薄彼呢？我諗“平機會”都應該要出下聲啦!!!!!!!!!!!!

香港開埠之初，香港的運輸系統只有人力車，唔係非富則貴都唔可以可乘搭，到咗宜家 2012 年，曾蔭權臨落台都答應長者年底前 2 蚊就可以搭足全程。既然運輸系統都可以攞得咁掂，點解社會保障就攞到一塌胡塗，怨聲載道，講到底特區政府就只識一樣野。

就係吹牛

再此我鄭重要求政府立即推行

免入息審查的“全民養老金”計劃。

必須重申：我們不是乞求，那是我們應得的社會回饋